



No rivi mai a capî dulà che a son chei trê. Bon.
Lu sai: a son ducj i trê sistemâts tal cimiteri...
Il timp al cor e il destin al è il stes par ducj.
Ma inte foto... dulà sono di precîs?
Intune stradele di campagne, forsi des mê s bandis.
Pauli, Sante e gno pari. Vistûts di fieste e cui cjavei curts e ben petenâts. Tai prins agns '60,
cuant che la uniche droghe pai puars e jere il vin e il spagnolet.
Cuant che la trasgression e jere une cjançon di Elvis o un pâ di ocjâi scûrs.
Pauli al samee saltâ fûr de cjaroce di un sidecar.
Chei altris doi a fasin di moto di cjapâ a pugns l'air.
Ma dulà sono di precîs?
Mi plasarès lâ ta chel puest alì ma no rivî a cjatâlu.
O varès voie di rivivi chê sene.
O varès voie di cjatâmi li e di imagjinâmi di jessi plui di cincuant agns fa.
Il timp al passe par ducj. Ma... intal Diari dal Eterni lôr a son ancjemò che a scherchin e che a
cjapin a pugns l'air ta chê stradele...

di Checo Tam